



*Rabu, 16 Juni 2021*  
**Ogen: Esekiel 4:1-3**



**“Tanda Pengepungan Jerusalem”**



**L**a lit si metahat i lebe-lebe Dibata, enda mungkin jadi palas kerna pengajuk Esekiel i bas ia nenahken padan si iban arah lambang pengepungen Jerusalem. I bas lambang si ipebetehken Esekiel nandaken uga bangsa Israel arus ituntun guna mereken penampat i bas dahin pengepungan Jerusalem. Bangsa Israel eme kap bangsa pilihan Tuhan si tetap ikawali Dibata amin gia bangsa enda bangsa si lalap ngelakoken kerna sura-surana labo sura-sura Dibata. Tuhu mbue enggo perbahanen si ilakoken bangsa enda i bas naluken bangsa-bangsa sideban tapi bangsa enda rusuren talu ibahan bangsa sideban.

Kekelengen Dibata nandangi bangsa Israel lalap icidahkenNa arah penampatNa nandangi bangsa e khususna i bas ia erperang ntah pe penampat gelah bangsa enda tetap banci ndalani kegeluhenna alu dame. Penampat e ipeseh arah Nabi Esekiel i bas mereken tanda (lambang) guna pengepungen kota Jerusalem. Ayat 1-3 eme tanda si nuntun bangsa Israel guna nandai kota Jerusalem arah kerina dampar, seh maka bas ayat 3b, tuhu teridah kerna keadan kota e tuhu terkepung arah perbahanen bangsa Israel ngikuti tanda e, ras enda me tanda si meherga si qialoken bangsa Israel i bas ndatken kemenangan. Kegeluhen kalak si ngikutken kataNa pasti isampati Dibata, amin gia cara Dibata "*diluar dugaan*" pemikiran manusia, tapi cara e situhuna nampati manusia i bas datken sada kemenangan bagi sura-sura Dibata. Uga ninta kerna kegeluhenta enda, enggo nge kita ndatken dalam arah Dibata nari i bas kita naluken perbeben kegeluhenta, entah sedekah enda kita makeken gegehta jadi dalam ndalani kegeluhenta bagi sura-surata.

Bangsa Israel itegu guna datken tanda seh maka datkenna sada dalam kemenangan, kita pe selaku anak Dibata arus setia ibas dalamNa guna ndatken kemenangan bas naluken kiniseran.